

զի նա սկզբներում Յովսէփի ցուցմունքներով դեկալարէ և բայլ առ բայլ ընտելանայ թեմի վարչական գործերին. ապա թէ մի քանի ժամանակ անցնելուց յետոյ Յովսէփը կարող կըլինէր Էջմիածին վերադառնալ: Յովսէփի նամակի շարժառիթները հասկանալով, Ղուկաս հայրապետը շարունակում էր. «Դու ևս այդքան տարի զբաղուած էիր միայն մի թեմով, որ այնքան հեռաւոր է, սահմանի վրայ է, և յետ ես մնացել ընկերներին: Աստուծուն և մարդկանց յայտնի է, որ մի աւելի մեծ թեմի արժանի ես. քո թեմն էլ հարկաւ փոքր չէ ուր և մեծ պատիւ կ'վայելես, բայց շատ հեռաւոր է: Այդքան վստասկներէի յետոյ արժանի էր քեզ մի աւելի մեծ թեմ ստանալ, հօտի և սեպուհների հետ ծանօթանալ, քեզ էլ նրոնց ծանօթացնել և այդպիսի կենդրոններում Ս. Աթոռի համար աշխատելով բարի անուն ժառանգել, ինչպէս որ այստեղ ես ժառանգած: Այս մասին անշուշտ մտածում ես, ինչպէս որ գրած էիր լուսահոգի կաթողիկոսին, հարցնելով նրան, թէ ո՞ւր կըցանկար Կ. Պօլիս և կամ Ջմիրուսիա առաքել: Հայրապետն ի վերջոյ ցաւ էր յայտնում, թէ Յովսէփի նման մի աշխատակից չունի Կ. Պօլսում, ուր իսկապէս, ինչպէս գրում էր նա, վճռուած են Մայր Աթոռին վերաբերեալ գործերը, և խորհուրդ տալիս՝ չյարուել հեռաւոր թեմին, որովհետև ազգը սովոր է նրան ընտրել, որին տեսնում ու ճանաչում է, այլ կշռել այս բոլորը և յայտնել իրեն, թէ ինչ կորոչէ: Արդեօք կաթողիկոսն և Յովսէփը դարձեալ իրար բան գրեցին այս առթիւ.— յայտնի չէ միայն թէ սրբազանն Էջմիածին չզնաց, թէ և իւր ասելով, Ղուկաս կաթողիկոսն երկու անգամ հրաւիրեց նրան, իրր թէ գործերի վարչութիւնը նրան յանձնելու նպատակով: Թերևս նրա գալուստը դիւրացնելու համար էր, որ կաթողիկոսը Ռուսաստան ուղարկեց Տփրեմ եպիսկոպոսին: Յամենայն դէպս՝ կաթողիկոսի մահուան օրը, 28 դեկտեմբերի 1799 ամի, Յովսէփը դեռ Ռուսաստան էր:

Ինչպէս որ երևում է Էջմիածնի միաբանութեան նամակից յանուն Տփրեմ եպիսկոպոսի 1800 թ. փետրուարի 3-ից, եկեղեցական դասն և հայ ազգի ականաւոր ներկայացուցիչներն երկու անգամ գումարուելով ժողով կազմեցին Ղուկասին յաջորդ ընտրելու համար և վերջապէս վճռեցին Կ. Պօլսի հայոց ժողովրդին թողնել՝ ընտրել մէկին հետեւեալ երեք ընտրելիներից, որոնք էին՝ Կ. Պօլսի պատրիարք Դանիէլ արքեպիսկոպո-